



mælkebøttestreet

Børne- og Ungehuset Mælkebøtten • Bo-enheden Ilasiaq • Bo-enheden Allu • Seqineq • Postboks 1335 • 3900 Nuuk • www.mb.gl

SULLISSIVIK MÆLKEBØTTENIP UKIUMOORTUMIK NASSUIAASIAA 2019



Imai

Asasara atuartog	3	Mælkebøtten Najugaqatigiiffiillu	12
Siusinaartumik iliuseqarneq - arlalinnik isumaqarpoq	3	Ulluinnarni inuuneq	13
Meeqqat inuusuttuaqqallu atugarissaarnerat sammivarpur	4	Ileqqut	15
Sullissivik Mælkebøttenip tunuliaqutaa siunertaalu	4	Apersortittarneq	16
Siulersuisut	5	Mælkebøttenimi ornittagaq	16
Sullissivik Mælkebøtten-imi ukioq 2019 ima ingerlasimavoq	6	Meeqqat iggaviat	16
Allattoqarfik	6	Juullimi orpiliarneq	17
VIVE	6	Anaalerineq.....	17
Mary Fonden	6	Allaffeqarfik	18
Periusissiamik ingerlatsineq, sumut killippugut?	6	Sulisut	18
Naalagaaffeqatigiinnerup nalliuttorsiuutigineqarnera	7	Sulisunik isumassuineq.....	18
Kunngissakkut nersorinnissutaat	7	Tunissuteqartunut suleqatinullu qujassut	19
Tunissutit.....	7	Sullissivik Mælkebøttenip attaviginissaanut paasissutissat	19
Ataatsimiinnerit – attaveqarfiit.....	8		
Seqineq.....	8		
Piginnaanernik ineriartortitsineq	8		
Qarasaasiakkut nittartagaq	9		
Nutaarsiassat.....	9		
Aasaq 2019	9		
Kapisillit	10		
Meeqqat inuusuttullu inissinneqarsimasut.....	11		

Asasara atuartooq

Maanna tigummivat Sullissivik Mælkebøttenip 2019-imut ukiumoortumik nassuiaasiaa. Tassani Kalaallit Nunaani ullumikkut meeqqanik inuusuttunillu atugarliortunik sullissinerput pillugu paasisaqarsinnaavutit.

Asannittumik inuulluaritsi

Sullissivik Mælkebøttenimi meeqqat sulisullu tamarmik

Siusinaartumik iliuuseqarneq - arlalinnik isumaqarpoq

Sullissivik Mælkebøttenimi pisortaq cand.psych. Kirsten Ørgaard, suliamik ilinniagallit allat peqatigalugit, meeqqat inuusuttullu atugarliortut pillugit nuna tamakkerlugu iliuusissanut pilersaarummik ukiorpaalunni ujtartuisimavoq. Oqaaseq nuna tamakkerlugu pilersaarut suli naleqarnerulissagaluarpooq oqartussaasoqarfiit suliamut ilisimasallit tamaasa – nuna tamakkerlugu, nunap immikkoortortai najukkallu – peqataatillugit sulisoqarpat. Minnerunngitsumik suliamik ilinniagallit, sunik suliaqarnerat akimorlugu, sulineq tamaat peqataatinneqarnerisigut. Allatut oqaatigalugu naalakkersuinikkut, aningaasatigut, inooqataanikkut, kulturikkut suliaassanullu tunngasuni nukissat tamaasa pingaartillugit pingaarnersuinikkut.

Kiisamilu Isumaginninnermut Inatsisinillu Atuutsitsinnermut Naalakkersuisoqarfik "Angajoqqaat meeqqanik sumiginnaasarnert akiorniarlugu nuna tamakkerlugu iliuusissanut pilersaarut 2020-2030"-imik suliaqarsimavoq. Taannaannarli naammanngilaq – massakkummi pilersaarutit, isumaqatigiissutit oqaatsillu kusanartut iliuuseqarnermik kinguneqartariaqalerput. Pingaartumik oqartussaasoqarfiit assigiinngitsunik suliallit akornanni suleqatigiinnermik - tassa pisortat oqartussaasuinut, kajumissutsiminnik suliniaqatigiiffinnut namminersorlutillu inuussutissarsiortunut tunngatillugu – nukittorsaaneq sallitullugu pingaartinneqassalluni. Kivitseqatigiinnissaq pingaartuuvoq, aammalu oqartussaasut suliniaqatigiiffiillu assigiinngitsut piginnaasaannik atuinissaq ataqatigiissaarinissarlu sallitullugit pingaartinneqassapput.

Imaanngilaq nunami inooqataanikkut ajornartorsiutit pisortat kisimik aqqjissinnaagaat – suliniaqatigiiffippassuit namminnerlu aningaasaliisartut ilisimasalik suliniutinillu aamma tunniusseqataapput – taamaattumik ilisimasat misilitakkallu tamakku atorneqartariaqarput – kivitseqataasut amerlappata sunniutaa annerussiaaq.

Siusissukkut iliuuseqarneq pitsaaliuinnermik ilallugu tassaavoq siumut aqutissaq – suli taamaappoq – tassa meeqqanut, inuusuttunut angajoqqaanullu atugarliornermit eqqugaaratarsinnaasunut tunngatillugu.

Meeqqat atuarfianni piginnaanikkut kivitsinissaq pisariaqartinneqarpoq – aqutsinikkut ilikkagassatigullu – taamaalluta meerartatta ilinniakkamik naammassisaqarnissaasa tunngavissinnissaat qulakkeerniassagatsigit, taakku inuiaqatigiinni innuttatut iliuuseqarsinnaanngoqqullugit, ataatsimoornerup avataaniillutik uninngaannartunngunnginniassammata.

Kinguaassiuutitigut innarliinerit akuersaarneqarsinnaanngillat, innarliinerillu paasiniutaa piaartumik iliuuseqartoqartariaqarluni – qujanartumik ajornartorsiut sammineqarnerulerpoq paqumiginninnerlu anigoriartorneqarluni.

Meeqqat siunissaraavut – sukataarluni aningaasaqarnikkut siuariartornermi puigorneqassanngillat – tassami Kalaallit Nunaata siunissaanut meeqqat aningaasaliiffisariaqarput.

Inussiarnersumik inuulluaqqusillunga

Kirsten Ørgaard,

Tarnip pissusaanik ilisimasalik, Sullissivik Mælkebøttenimi pisortaq

Meeqqat inuusuttuaqqallu atugarissaarnerat sammivarput

Sullissivik Mælkebøttenip tunuliaqutaa siunertaalu

Sullissivik Mælkebøtten-ip siunertaraa immikkoortortat suliffeqarfiup ataaniittut peqatigalugit, Kalaallit Nunaanni meeqqat inuusuttullu sumiginnagaasut atugarissaarnerisa atugaasalu pitsanngorsarnissaat – kiisalu sumiginnaasarnerup pitsaaliortinnissaa.

Sullissivik Mælkebøttenip tunuliaqutaraa suliaq pingaartuq, ukiut 1000-ilikkaat nikinnerisa kingorna inuit takorluullaqqissut suliniummik aallartissimasaat. Isumassarsiaq Kalaallit Nunaanni Sulisitsisut Peqatigiiffianni (ullumikkut Sulisitsisut) pinngorpoq, inuppassuillu soqutiginnilluartut nikallujaallutik sulipiloornerisa kingunerisaanik Meeqqat Inuusuttullu Illuat Mælkebøtten 2006-imi pilersinneqarpoq. Pisariaqartitsinerup nassatarisaanik ukiut ingerlanerini suliat amerliartorsimapput, ilaatigut immikkoortortanik arlalinnik ammaasoqartariaqarsimalluni, ullumikkut taakku – suliffeqarfik aallarniutaasimasoq suleqatigalugu – Sullissivik Mælkebøtten taaguutigalugu ingerlanneqarput. Ineriartornerup tamatuma namminermini uppersarpaa suliffeqarfik suliarnut pikkorrissoq nammineq inuussutissarsiutigalugu suliffiutilinnit ingerlanneqartoq, Sullissivik Mælkebøtten-ip siunertaanik, naleqartitaanik takorluugaanillu tunngaveqarluni ingerlanneqartoq qanoq atorfissaqartinneqarsimasoq sulilu atorfissaqartinneqarluni.

Sullissivik Mælkebøtten-ip ataaniipput ornittagaq, meeqqat iggaviat, nipilersortarfik, meeqqat inissisimaffianik paasiniaaqqissaartarfik, najugaqaqatigiiffiit Allu aamma Ilasiaq avatangiisini angerlarsimaffippalaartuni najugaqarfissatut neqeroorutit inooqataanikkut perorsaanissamut periarfissiisut kiisalu allaffissornermut immikkoortortaq.

Saqqummersitami matumani Sullissivik Mælkebøtten-ip 2019-imi sammisai suliniarfiilu assigiinngitsut paasisaqarfigineqarsinnaapput. Aamma suliaavut angusavullu nittartakkatsinni uani www.mb.gl-imi atuarneqarsinnaallutik.

Siulersuisut

Siulersuisut 2019-imi pingasoriartut ileqquusumik ataatsimiissimapput. Taassuma saniatigut e-mailikkut oqarasuaatikkullu kiisalu siulersuisuni siulittaasup pisortallu ataatsimittarneri aqqutigalugit ataavartumik attaveqatigiittoqartarpoq.

Siulersuisuni makku ilaasortaapput:


Henrik Sørensen (siulittaasoq Sulisitsisullu sinnerlugit ilaasortaasoq)

Lai Johnsen (Nuummi Lions Club sinnerlugu ilaasortaasoq) Lise Dalsgaardip 26. februar 2020 Lai Johansen taarserpaa.

Preben Kold Larsen (Nuuk Rotary Klub sinnerlugu ilaasortaasoq)

Inge Olsvig Brandt (aalajangeeqataasinnaanani Kommuneqarfik Sermersuumi kommunalbestyrelse sinnerlugu peqataasartoq)

Sullissivik Mælkebøttenip siulersuisuini ilaasortat sulerususseqarput suliaminnullu tunniusimallutik, sullissiviup ingerlanneqarneranut pingaaruteqarluinnarlutik – peqatigisaanillu suliffeqarfii namminersortut, suliniaqatigiiffiit pisortallu oqartussaasuisa attaveqatigiinnerinik qulakkeerinnittuullutik. Inuiaqatigiit avatangiiisitta tapersersuinerat taama ittoq – aningaasanik tunissuteqartartut ilanngullugit – meeqqat inuusuttullu navianartumik inis-sisimasut pitsaaneruumik inuuneqalernissaannut ikiuinissamut periarfissaqarnitsinnut pingaaruteqarluinnarpoq.



Sullissivik Mælkebøtten-imi ukioq 2019 ima ingerlasimavoq

ALLATTOQARFIK

VIVE

VIVE suli suleqatigineqarpoq, misissuinerlu "Meeqqanut inuusuttunullu inooqataanikkut navianartorsiortunut feeriarernerup pingaassusia" 2019-imi ingerlanneqarsimalluni, inaarutaasumillu nalunarusiaq 2020-mi maajimi saqqummissaaq.


Mary Fonden

Suliniut Kattunneq 2019-imi marsimi inaarneqarpoq, sulili Mary Fonden Sullissivik Mælkebøttenilu suleqatigiipput – maannali sulianut tunngatillugu oqaloqatigiinnernik ingerlatsiviulluni, pisortarlu SUS-ip Mary Fondenillu misissuineranut "Nuna tamakkerlugu inooqataanikkut atukkat – Kalaallit Nunaanni meeqqat inuusuttullu eqqor-neqariaannaat sullinneqarneranni suleqataasut suliniutillu" peqataasimalluni, tassanilu Sullissivik Mælkebøtten taaneqarsimavoq. Pisortaq Københavni isumasioqatigiinnermi peqataanissamut qaaqquneqarsimavoq, misissuinermi inernerit oqallisigineqarsimallutik – aamma siunissami suliniarfissat sueneri eqqartorneqarsimallutik. Kronprinsesse isumasioqatigiinnerup ilaani peqataasimavoq, suliamullu tunngassuteqartut aamma oqaluuserineqarsimallutik. Ukioq manna Kunngikkormiutut Ataqinassusilik Kronprinsesse Mary pisarnermisut 5. december Amalienborgimi juullimi ilasseqatigiinnermut qaaqqusivoq.

Periusissiamik ingerlatsineq, sumut killippugut?

Pisortat sulisullu 2019-imi periusissiamik ineriartortitsinerup naleqartitatullu tunngavissap suliarinerani kiisalu pilersaarutit pivirusunngortitsinialuni sulinermi peqataatinneqarsimapput. Naleqartitat – sulisut namminneq naleqartitaat taamatuttaaq meeqqanut inuusuttunullu tunngatillugu naleqartitat - ulluinnarni sulinermi qanoq timitalerneqarnissaat immikkoortortani suliarineqarsimapput – soorlu qanoq ililluta meeqqanut inuusuttunullu maligassiulluartausinnaanerluta. 9. maj 2019 ataatsimoorluni ataatsimiittoqarpoq, ulluinnarni sulinermi naleqartitanik timitaliinialuni sulinermi angusat immikkoortortanit tamanit – isumassarsiullaqqeqisunit – saqqummiunneqarlutik, saqqummiussat inuunerup orpianik, pivirususaartitsinernik filmiliannguamillu takutitsinnermik imaqarput. Taavalu tamakkiisumik pilersaarutit, periusissiamik ineriartortitsineq kiisalu suliffeqarfimmi aqqis-suussaannermik allanngortitsinissaq pisortap saqqummiuppai. Siunertaavorlu naleqartitanik ulluinnarni timitaliinialuni suliaqarnerup aalajangersimasumik akuttussusilinnik nalilersorneqartarnissaa. Suliap ingerlanera ataatsimut isigalugu 2020-mi nalilersorneqassaaq – aammalu suliffeqarfik Learn2Lead peqatigalugu aqutsisutut sungiusarnermut ilaatinneqassalluni.

Periusissiamik timitaliinierneq allattoqarfimmit ataavartumik suliarineqarpoq. Suliffeqarfimmut pilersaarut suliarineqarsimavoq, periusissiamik tamarmiusumik aqqissuussaannikkullu allanngortiterineramik, aqqissuussaanermut takussutissiamik nutaamik Sulisoqarnermullu periusissiamik ilaatigut imaqarluni. Aqqissuussaanerup ilusaa nutaaq naapertorlugu, aningaasaqarnermut pisortatut atorfik pisortaqtigiinnullu ikiorti manna tikillugu atorfinitsinneqarsimapput.



Ilisimasanik piginnaanernillu qitiusumik katersuiffimmi peqatigiillutik suleqatigiit aqutsisuattut atorfik inuttasarsiorneqassaaq, suliniutinullu pisortatut atorfik atorunnaarsinneqarsimalluni.

Periusissiamik timitaliiniarluni sulinermi sulisut ataatsimut isigalugu soqutiginnipput tunniusimallutillu. Siunisami suliaq nalilersorneqartassaaq suliarlu ulluinnarni sulinermit pissusissamisuginnartutut isigineqarluni sulisut ataatsimiinnerini, aqutsisut ataatsimiinnerini aqutsisutullu sungiusarnermi ilaatinneqarpoq.

Aammattaaq Naalagaaffiit Peqatigiit Nunarsuarmut anguniagaat periusissiap suliarinerani ilanngunneqassaput.

Naalagaaffeqatigiinnerup nalliuttorsiuutigineqarnera

Ataqqinartorsuaq Dronning Margrethe 29. oktober 2019 Fredensborgimi tusarnaartitsinermit nerersuaqatigiinnermullu qaaqqusivoq, tassani pisortaq uinilu peqataapput – naalagaaffeqatigiinneq nalliuttorsiuutigineqarluni Savalimmiunit, Kalaallit Nunaannit Danmarkimillu peqataaffigineqartumik.

Kunngissakkut nersorinnissutaat

Kunngissakkut aamma aningaasaateqarfik Bikuben-fonden aammaarlutik ukioq manna nersornaasiinermit qaaqqusipput, nersornaasiineq 2. november Odensemi pivoq, tassanilu pisortaq uinilu peqataapput.

Tunissutit

Suli siunertanut assigiingitsunut atugassanik aningaasanik tunineqartarpugut tunissutinullu tamanut qujanngaarpugut, taakku ilanngarnagit meeqqanut inuusuttunullu atugarliornissamut navianartorsiorturnut atornerqartarput.

Ataatsimiinnerit – attaveqarfiit

Pisortat oqartussaasuisa, suliniaqatigiiffiit, kajumissutsiminnik suliniaqatigiiffiit inuutissarsiortullu ataatsimiinnerpassuini pisortaq peqataasarsimavoq, taamaaliornikkut attaveqarfiit nukittorsarniarlugit aammalu sulinermi ilisimasanik avitseqateqarniarluni, siammarteriniarluni ineriartortitsiniarlunilu.

Seqineq

Sullissivik Mælkebøttenip Kapisilinni illuutaa Seqineq suli iluatsitsiffiulluurtumik ingerlavoq. Illu taanna atuangiffeqarnerni suliffeqarnernilu aammalu meeqqanut inuusuttuaqqanullu ilaannikkooriarlutik allanik avatangii-seqarnissamut pisariaqartitsisunut atorveqartarpoq.

Piginnaanernik ineriartortitsineq

Meeqqat isaanit isiginnilluni aammalu akuersaartumik periuseqarluni perorsaaneq

Meeqqap isaanit isiginnilluni sulinermik ineriartortitsineq sulisut 2019-imi ingerlassimavaat. Matumani pineqarpoq sianissuseq aallaavigalugu perorsaalluni sulinermik timitaliineq.

Suliassanut aalajangersimasunut atatillugu sulisut ataasiakkaat eqimattallu piginnaanerminnik pitsanngorsaanissaat qitiutillugu sulisunik ataasiakkaanik eqimattakkaartunillu siunnersioqateqartoqartarpoq. Makku aallaavigalugit tamanna pisarpoq:

- *“Avatangiisit meeqqat isaanit isigalugit imminullu isigaluni, avataaniit imminut qivialaarluni”.*
- *“Meeqqamut imminut assersuussinnaaneq.*
- *“Meeqqat ataasiakkaat assigiinngitsuupput isumaqarlutillu, taamaattorli ataatsimoornermi inissaqassallutik”.*
- *“Isiginnaarnikkut tusarnaarluarnikkullu meeqqap nukittuffiisa suunerinik takunnissinnaaneq.*
- *“Tamatta immitsinnut susassareqatigiinnsigut ulluinnarni inuunermik pilersitseqataasarnerput”.*
- *“Illit inersimasutut inuunerit atorlugu meeqqamut pissuseqartarputit”.*
- *aammalu Sianissuseq aallaavigalugu perorsaaneq piviusuni perorsaanermik timitaliinermi sakkussaavoq.*

Sianissuseq aallaavigalugu perorsaaneq tassaavoq sianissutsikkut nammineq allallu inissisimaffiannik paasininneq. Sianissutsikkut inissisimaffiit ilaatigut tassapput misigissutsit, eqqarsaatit, pisariaqartitat, anguniakkat patsisigineqartullu.

Aammattaq aaqqiagiinngissutinik aaqqiiniarneq sulinermi ataavartumik ingerlanneqartarpoq.

Qarasaasiakkt nittartagaq

Qarasaasiakkt nittartagaq pillugu Sullissivik Mælkebøtten pitsaasunik qisuariarfigineqartuarpoq. Tamanna ilaatigut atorfinitsiniarnermi qinnuteqartunik oqaloteqartarnerni misigineqartarpoq, tassami qinnuteqartut Sullissivik Mælkebøtten pillugu atuagaqareersimasarmata – imaluunniit ataatsimiinnerni allani oqaluttuarineqartarmat qarasaasiakkt nittartakkami paasissutissanik pitsaasunik aallertoqartarpoq.

Nutaarsiassat

Sullissivik Mælkebøtten 2019-imi nutaarsiassanik saqqummersitsisimavoq, taannalu qarasaasiakkt nittartakkami atuarneqarsinnaavoq.

Aasaq 2019



Mælkebøtten najugaqatigiiffillu Danmarkimut feeriarsimapput. Qujanartumik silagippoq, taamaattumik misigisat sammisallu amerlasimallutik.

Ilasiap feeriarnini aallartippaa meeqqat/inuusuttut marluk sulisullu marluk Nuup eqqaani pinngortitami angalaarnerisigut. Ilaatigut Isikkivimmukarput, taanna najukkami isikkivittut atornerarpoq. Taamaliorneq sungiusarnermut ilaatinneqarpoq inuusuttunullu iluaqutaasimalluni. Maanna pilersaarutigineqarpoq 2020-mi Nuummiit Kapisilinnut pisunnissaq.

Lolland Falsterimi Marielystimi nuannersumi sungiusimasaminnilu illumi aasarsiortarfimmiinneq meeqqat nuannarisimavaat. Tassangaanniit ilaatigut Rødbyeqqaaniittumut Lalandialiarsimapput, tassani ullormik pui-gunaatsorsisimallutik.

Aamma Allumi inuusuttut pisoqarfioqsumik sammisaqarfiulluartumillu feeriarpit. Ilaatigut Fårup sommerland-imukarput, niuertarfilerillutik arsaattunillu isiginnaarlutik.

Mælkebøtten Danmarkimut aasaanerani feeriarmit meeqqat qulingiluaasut tamarmik sulisullu sisamat peqataapput. Aamma taakku aasarsiortarfimmiinnerminni nuannersunik misigisaqarput. Ulloq tamaat Lalandiamiipput. Tamanna meeqqanut misigisaqarfiulluarpoq, naluttarferujussuarimi ulloq nuannersumik atornerarluni.

Immikkoortortat pingasuusut aasaanerani feeriarneq allaanerulaartumik atorpaat. Tamatumunnga pequtaavoq VIVEp misissuineranut tamarmik peqataanerat, VIVE ilisimatuussutsikkut misissuiitaluni peqataammat.



Feeriarnissaq sioqqullugu meeqqat tunuliaqutaat atugaallu VIVEp katersor-pai, katersuinermi immersugassat akisassanik apeqqutitallit atorneqarlutik.

Feeriarnermi meeqqat ullorsiutinut allattarput. Tamanna misissuinermi ta-kussutissiatut atorneqarpoq, tassa feeriarneq pillugu aammalu meeqqa-nik oqaloqateqarnissamut aallaavissatut. Feeriarneq kingorna VIVE Nuuliarpoq, meeqqat sulisullu apersoriartorlugit. VIVEp atugassaanik meeqqat ullorsiuti-minnut allattuipput, assiliarpassuarnik ullorsiutiminnut ilanngukkusutamin-nik assitalersorlugit.

Meeqqat inuusuttullu Ilasiameersut qilanaarput. 2019-imi aasaanerani feerialersut

Kapisillit

Illu "Seqineq" Kapisilinniittoq ulluinnarni inu-
neq qimallugu nuannersorpassuarnik allaane-
rusunillu misigisaqarnerni pingaarutilittut qi-
tiulluinnarpoq.

Ukiup ingerlanerani immikkoortortat tamar-
mik immikkut marloriarlutik Kapisilinnukar-
tarsimapput. Taamaalilluni illu upernaakkut,
aasakkut ukiakkullu atorneqartarpoq, mee-
qallu pinngortitamiinnissamut periarfissaqar-
luarsimallutik, silaannarissangaatsiarsimallu-
tillu. Ilaatigut aalisariartarput, Pingumullu Ka-
pisillit qanitaaniittumut, 470 miiteritut portus-
susilimmut, qaqisimallutik. Aputeqarnerata
nalaani sisuukalaarutinik sisorartarput. Aam-
ma kuummut illuaqqamiit 1,5 km-tut ungasis-
susilimmut pisuttuortoqarpoq. Taqussat ma-
makujuttullu nassarneqarput. Annerit naluuseriarlutik nalunnguartunnguupput.

Silagissorsuummat meeqqat nuannisarput qasuserluarlutillu.



Meeqqat nuannaartut, Kapisilinni

Meeqqat inuusuttullu inissinneqarsimasut

Mælkebøtten ukioq kaajallallugu ulikkaaqqasimavoq. Ukiup ingerlanerani meeqqat qulit inissinneqarsimapput. Taakkunanga arfineq-pingasut ukioq ataaseq sinnerlugu sivisunerusumilluunniit inissinneqarsimapput. Taakku saniatigut ataaseq nukinginnartumik inissinneqarsimavoq. 2019-imi agguaqatigiissillugu meeqqat inissinneqartut ataasiakkaarlutik qaammatit aqqanillit missaanni inissinneqarlutik najugaqarsimapput.

Ukioq 2019 Ilasiamut ineriartorfiusumavoq, tassami illu taanna meeqqanik inissinneqarlutik najugalinnit ukioq kaajallallugu ulikkaaqqasimagami. Meeqqat minnerit marluk arfineq-pingasunik ukioqarput, akullit pingasut aqqanilinnik ukioqarlutik annerillu marluk aappaa 13-nik aappaalu 14-inik ukioqarlutik. Meeqqat ukiumikkut nikingarujussuanninnerat pingaaruteqarpoq, tassami meeqqat ukiumikkut naligisaminnik pinnguaqateqarnissaminnut nuannisaqateqarnissaminnullu periarfissaqarmata. Ataatsimoorluni inooqataanermut pingaaruteqarpoq, meeqqat ukiumikkut naligisaminnik tarrarsorfeqarsinnaanerit ineriartoqateqarsinnaallutillu.

Meeqqat ukiumikkut naligiiat imminnut ataqatigiinnerat meeqqat pitsaasumik iniartornerannik nassataqarsimavoq, taakkulu imminnut ilisarismallualersimapput. Ukiut ingerlanerani meeqqat ataatsimoorlualersimapput. Isumalimmik ataatsimoornerit, meeqqat ataasiakkaat anguniagalimmik suliniarfiginissaannut periarfissiiluarput. Ukiup ingerlanerani meeqqat pingasut ilaquuttaminnut, Nuup avataani najugalinnut, tikeraarsimapput. Meeqqat amerlanersaasa illumi killissat aqqissuussaanerlu ilisimavaat, sapinngisanguaminnillu taakku iluani inuuniarsaralutik. Soorunami ilaat allanut naleqqiullutik ikorfartorneqarnissamik ikiorneqarnissamillu pisariaqartitsinerupput. Meeqqat Ilasiami najugallit tamarmik sulit meeqqat atuarianni atuartuupput, ingerlalluarlutillu.

Ukioq Allumut pisoqarfiulluarsimavoq. Illu ukioq kaajallallugu inuusuttunit inissinneqartunit ulikkaarluni najugaqarfigineqarsimasoq. Inuusuttut 13-iniit 20-nut ukioqarput, 2019-imilu decembarip tungaanut najugaqartut ni-viarsiaqqat pingasuusimapput nukappiaqqallu pingasuusimallutik.

Inuusuttoqatigiit taakku imminnut ilisarismalluinnarput, naak ulluinnarni inooqataanikkut aqqissuussanut ataatsikkut ilaasanngikkaluarlutik. Tamarmik immikkut aqqissuussanut timersornernullu assigiinngitsunut peqataasarput, namminneq tamanna isumagisarlugi aqutaralugulu. Illumi inatsisit, killissat aqqissuussaanerlu tamarmik ilisimavaat, taakkulu inuusuttut ataatsimiittarnerisigut aalajangiusimaneqarput. Qaammatit tamaasa ataatsimiinnerit taakku pisarput. Aqqissuussaaneq killissallu uteqqillugit akulikinnerusumik eqqartorneqarnissaat inuusuttut ilaasa pisariaqartittarpaat. Allumi meeqqat inuusuttullu inissinneqarsimasut pingasut meeqqat atuarianni atuartuupput. Inuusuttoq ataaseq maannakkorpiag suliffeqanngilaq atuartuunanilu. Inuusuttup soqutigisai aallaavigalugit sulisut inuusuttoq najortarpaat, siunissami aaqjiutissaq inuusuttumut naleqquttoq sulissutigineqartarluni. Inuusuttoq alla sanasunnigorniarluni ilinniartuuvoq.

Mælkebøtten Najugaqatigiiffillu


Mælkebøttenimi ulloq unnuarlu immikkoortortaq meeqqanut qulingiluanut 3-12-inik ukiulinnut inissaqarpoq. Inissitaasut amerlanerpaat inooqataanikkut eqqarsartaatsikkullu paasiniaqqissaarneqartarput, tassa imaappoq meeqqap ineriartornera pisariaqartitaalu Sullissivik Mælkebøttenimit paasiniaqqissaarneqartarput misissorneqartarlutillu. Tamanna meeqqap attavii, atuarfia, sunngiffimmi ornittagaa, angajoqqaavi kommunelu inissiisoq suleqatigalugit pisarpoq. Illu paasiniaqqissaarfiuvoq, tarnip pissusaanik ilisimasalik suleqatigalugu meeqqat inooqataanikkut eqqarsartaatsikkullu Sullissivik Mælkebøttenimit paasiniaqqissaarneqartarput. Kommunemut nalunarusiaq innersuussutinik suliniutissanillu imalik suliarineqartarpoq.

Tassani allanneqartarput aqqiissutissat meeqqamut pitsaanerpaat. Aaqiineq pisinnaavoq Mælkebøtten iluani immikkoortunut, paaqqinnittarfimmut allamut imaluunniit ilaqutariinnut paaqqutarinnittartunut inissiiinnikkut. Meeraq inooqataanikkut eqqarsartaatsikkullu paasiniaqqissaarneqartussatut inissinneqarsimappat, inissiineq qaammatinik 3-6-inik siviussuseqarsinnaavoq. Taamaattorli meeqqat arfineq-pingasut 2019-imi ukioq ataaseq sinnerlugu ulloq unnuarlu immikkoortortamiissimapput. Tamatumunnga peqqutaanersaavoq inissiiffissanik allanik periarfissaqartoqannginnera. Nukinginnartumik inissinneqarsimasup saniatigut ataaseq Mælkebøtten inuusuttunut immikkoortuanut ingerlateqqinneqarluni inissinneqarsimavoq.

Ilasiasq 2011/2012 ukiukkut ammarneqarpoq inooqataanikkut perorsaanermik suliaqarfittut najugaqarfiulluni. Inissinneqarluni iserternermi 3-11-nik ukiullit Ilasiami sullitassatut aalajangiunneqarsimapput. Taamaattorli katsorsarneqarnissamut pilersaarutip anguniakkallu naammassineqarnissaasa tungaanut ineqartut najugaqaannarnissaminnut periarfissaqarput. Meeqqat amerlanersaat Ilasiamut inissinneqannginnerminni inooqataanikkut eqqarsartaatsikkullu paasiniaqqissaarneqarsimasarput.

Mælkebøttenimi misilittakkat tunuliaqutaralugit Ilasiasq pilersinneqarsimavoq tassanilu naleqartitat aqqiissuusaanerlu aallaavigineqarlutik.

Illu ilaqutariit illuattut nalinginnaasutut ippoq. Ukiut ingerlanerini nutarterneqartarsimavoq, tassalu meeqqa-



Ilasiami ini isersimaartarfik, nalunaaquttap akunnerpassui nuannisarfigineqartarpoq ataatsimoorfigineqartarlunilu.

nut inuusuttunullu taamatuttaaq sulisunut pitsaalluinnartumik atorneqarluni. Illu taanna nalinginnaalluinnartuummat, meeqqat angerlarsimaffimmissut isigaat imminnut "meeqqatut paaqqinnittarfimmiittut" isiginngilat, tamannalu Sullissivik Mælkebøttenip sulinermi tunngavianut tulluurtuulluinnarpoq – taamaalilluni meeqqat inuusuttullu ilaqutariinni inuunermut assingusunik avatangiiseqarlutik inuunissaat qulakkeerneqarluni.

Allu Sullissivik Mælkebøttenip najugaqatigiiffiutaa 2014-imi aggustimi ammarpoq, illullu inui siulliit tassunga iserterlutik. Allumut inissinneqarluni iserternermi 12-15-inik ukiullit sullitassaapput. Taamaattorli katsorsarneqarnissamut pilersaarutip anguniakkallu naammassineqarnissaasa tungaanut ineqartut najugaqaannarnissaminnut periarfissaqarput. Meeqqat Allumiittut amerlanersaat inissinneqannginnerminni inooqataanikkut eqqarsartaatsikkullu paasiniaqqissaarneqarsimasarput.

Mælkebøttenimi misilittakkat tunuliaqutaralugit Allu pilersinneqarsimavoq tassanilu naleqartitat aqqissuussaanerlu aallaavigneqarlutik.

Illu marloqiusaasoq ataasinngorlugu katinneqarsimavoq. Ukiut ingerlanerini nutarterneqartarsimavoq, tassalu meeqqanut inuusuttunullu taamatuttaaq sulisunut pitsaalluinnartumik atorneqarluni. Sullissivik Mælkebøttenip sulineranut tulluurtuulluinnarpoq - taamaalilluni meeqqat inuusuttullu ilaqutariinni inuunermut assingusunik avatangiiseqarlutik inuunissaat qulakkeerneqarluni. Avatangiisit inuunerissaarnissamut iluaqutaammata, tamanna assut pingaartipparput. 2020-mi upernaakkut illup allilernerneqarnissaa pilersaarutaavoq, taamaalilluni inisat marlunnik ilaneqassallutik.

Ulluinnarni inuuneq

Mælkebøtten

Meeqqat inissinneqarsimasut amerlanersaat ulluinnarni inuunermi siumut eqqoriaruminaatsunik aggerfeqarneerat pissutigalugu, Sullissivik Mælkebøttenip pingaartippaa meeqqat aqqissuulluakkamik siumullu eqqoriaruminnartunik ulluinnarni inuuneqarnissaat. Siumut pilersaarusiortoqartarpoq, taamaaliornikkut ulluni aggersuni pissusat unammiligassallu meeqqat piareersimaffigisinnaassavaat. Ulluinnarni inuunermi aalajangersimasumik pisartut pitsaasumik peqqinnartumillu ullaakkorsiornikkut ulloq aallarneqartarpoq. Meeqqat atuartut atuariatunginnerminni meeqqerivilianginnerminnilu taquassiortarput. Atuartut annerit nammineerlutik atuariatortarput. Atuartulli minnerit atuarfiliaanneqartarput atuarfimmullu aaneqartarlutik. Atuareernerup meeqqerivimeereernerullu kingorna piumasaminnik pinnguortarput, tamannalu pereeraangat meeqqat nipaarsaartarput, atuarfimmit ilinniagassaminnik ilinniagasseralutik imaluunniit allanik atuarfimmit suliaqartarlutik. Aamma meeqqat atualersussat tassani peqataatinneqartarput. Tassa atualernissaminnut piareersalereertarput. Sapaatip akunnerata naanerani assigiinngitsunik sammisaqartoqartarpoq soorlu nalukkiarneq, sisorarfiliarnerit imaluunniit ilaquttanik ilagisaqarneq.

Ilasiaq

2019-imi iluatsissimavugut, tassami sulisuvut aalajaalluinnarsimapput, tamatuma kinguneraa meeqqat nuanartut aalajaatsullu, ulluinnarni pitsaasumik inuuneqartut.

Sullissivik Mælkebøttenimi immikkoortortat allat assigalugit Ilasiami meeqqat inuunermut nalinginnaasumut sapinngisamik assingunerpaamik atugaqarlutik peroriartornissaat suliniutigineqarpoq. Taamaattumik meeqqat sulisullu akornanni susassareqatigiinneq sulinermi atorneqartorujussuuvq.

Ilasiami ukiuni arlalinni assigiiartumik aqqissuussamillu kiisalu meeqqanik naatsorsuussaqaarneq atorlugu sulisoqarsimammat, ukioq manna aammaarluni taama inuuneqarnissaq periarfissaasimavoq.

Ullut tamaasa meeqqap ataatsip inersimasoq nerisassioqatigisarpaa. Taakku saniatigut meeqqat tamarmik ul-

lormut pisussaaffeqarput, soorlu nerriviliornermi ikiunneq, panersiivimmik imaajaaneq, eqqagassanik annisineq il.il. Ilaasi pingaartippaa meeqqat akisussaasusermik, qanilaarnermik ikiumatussutsimillu ilinniartinnisaat. Meeqqat oqarfigineqartarput ikiunnermikku iluaqutaasinnaasut. Meeqqat angisuut namminneq atisatik errortarpaat, meeqqallu tamarmik ineeqqamik torersuunissaa isumagissavaat.

Ilaami aamma ataatsimoorluni sammisaqarnerni illumi najugallit tamarmik peqataasarnissaat pingaartinneqarpoq. Sammisat tassaasinnaapput filmeriaqatigiinnerit, nalukkiqatigiinnerit sammisassallu allat, illumi najugalinnut ataatsimuussutsimik pilersitsisinnasut.

2019-ip aallartinnerani meeqqat gospelinik erinarsoqatigiinnut ilaasalerput, sapaatip akunnerini arfineq-pingasuni Nuummi Hotel Søndshjemmemi meeqqanik allanik naapeqateqartarlutik. Tassani erinarsornermik qitinnermillu sungiusartarsimapput. Malunnartumik meeqqat ataqatigiinnerannik nukittorsaataavoq. Sungiusariarnialeraangamik tamarmik qilanaartarsimapput. Naggataaramik iluatsitsilluartumik soqutiginnittunut tamanut erinarsorlutik qitillutillu takutitsipput.

Ukiup naalernerani malugaarput meeqqat annerit marluk inuusuttuaraanermut ikaarsaalersimasut. Tamanna perorsaanerme unamminartoqarsimavoq, taamaattumik sulisut isumassarsiullaqqissuusariaqarsimapput. Peqatigisaanik periutsinik nutaanik inuusuttunut tulluarsakkanik nassaarsiortoqarsimavoq. Pingaartuavoq periutsit atorneqartut meeqqanut ataasiakkaanut tulluartsuunissaat.

Allu

2019 Allumi ukioq unammilligassaqarfusimavoq. Tamatumunnga pequtaasut ilagisimavaat ukiakkut sulisut ilaasa taarserneqarsimanerat. Ilaatigut nutaanik immikkoortortami aqutsisortarpugut, naatsorsuutigineqartunut naleqqussartariaqartumik atorfittaaminullu inissinniartussamik. Taamaakkalluartoq allanut attuumassu-neqarneq aallaavigalugu inuusuttunik inissinneqarsimasunik sullissinerput ingerlatiinnarsinnaasimavarput.



Ulluinnarni inuunermi meeqqat inissinneqarsimasut assigiinngitsunik illumi isumagisassaqartarput soorlu sulisut peqatigalugit nerisassiorneq, nerriviliorneq, errortalerineq assigisaallu. Aamma ualinerani tamulugassiullaqqeqaat namminneq inuusuttoqatimillu tamulugassaminnik.

Ineeqqamik kusanartuunissaat torersuunissaallu meeqqat isumagilluartaarpaat. Ineeqqaminnik eqqiaareeraangamik torersaareeraangamillu kaasarfimmiussaminnik tunineqartarput. Tallimangornikkut ualikkut atua-reeraangamik aneereeraangamilluunniit nammineerlutik suliassatik aallartittarpaat.

Sulisuusugut inuusuttunik ataatsimooqateqarluta ataatsimut sammisaqartarnissarput isumagisarparput. Silalu atoruminartillugu sapaatip akunnerata naanerani inuusuttoq ataaseq arlallilluunniit sisorarfiliqataagajuppugut. Sammisat taama ittut inuusuttut akornanni ataatsimoornermik, minnerunngitsumillu sulisunut attaveqarnermik, pilersitsisarput. Ulluinnarni inuusutut amerlanersaat timersornernut namminneq aallutaminnut peqataasarput.

Taakku ilaat ataaseq sapaatip akunneranut pingasoriarluni arsariartarpoq. Ullormut pisussaaffiit timersornis-sallu pisussaaffiit allattorsiaffiannut naleqqussarniartarpavut. Fitness nalunnguarnelru, inuusuttut soqutiginer-paasaat, sammisartorujussuuavut. Inuusuttut ilaat, ukiup ingerlanerani illoqarfinni aqqissuunneqartartunut, pisunut assigiinngitsunut nammineeelutik nalunaarnissartik pikkoriffigaat. Malunnarluarpoq sammisassanut ta-aneqartunut peqataasernerat imminnut tatiginerannut iluaqutaasoq. Sammisassanut taama ittunut nalunaara-angata tamakkiisumik tapersersortarpavut.

Ileqqut

Januaarip arfernanni, Kunngit pingasut ulluanni, mitaartarput eqqaamiutsinnut ilisarimasatsinnullu kasut-toqattaarlutik kiinarsoqattaartarlutik qitaasartarlutillu tamanit nuannarineqaqisumik. Pulaakkat arlaannik nerisitsisarput. Taamaaliorneq kalaallit ileqqutoqaraat, ileqqutoqaa taanna attaneqarpoq meeqqanit nuannari-neqaaqaluni aammalu ileqqutoqqat suunerinik paasisaqarfiusarluni. Kunngit pingasut ulluat siusinnerusukkut qi-vittunit atorluarneqartarsimavoq, tassami ajoquserneqaratik iliorsinnaatitaasarsimagamik. Ulloq taanna illoqar-fimmumut nunaqarfimmulluunniit ornigussinnaasarsimapput mamartunik nerisinnaallutik kissaallanngumillu najorsinnaallutik, kinaassutsiminnik oqaatiginningikkaluarlutik.

Ukioq manna aammaarlutik meeqqat DHL-stafetimit peqataapput pikkoreqalutillu. Arpannissaq taanna sioqqul-lugu meeqqat sulisullu uummaarilluinnarlutik akulikitsumik silamiittarput arpannermullu sungiusarlutik, ta-manna ataqatigiilersitsisarpoq qilanaalersitsisarluilu.

Ukioq taanna Saligaatsumi meeqqat sulisullu peqataapput Nuussuarmi Nigerlermilu, Ilasiap inissisimaffiani, eqqakkanik perlukunillu katersuillutik. Tamatumuunakkut akisussaaqataanermut pinngortitallu eqqiluitsuutin-nissaanut akisussaaqataanermik meeqqat ilinniartinneqartarput.

Brugsenip arpatsitsineranut meeqqat eqjasuillutik ukiut tamaasa peqataasarput.



DHL 2019 arpaqataasut Sullissivik Mælkebøttenimeersut ikinngeqaat

Apersortittarneq

2019-imi marluk apersortipput. Niviarsiaraq Mælkebøttenimeersoq aammalu niviarsiaraq Ilasiameersoq. Mælkebøttenimi naalagiarnissamut piareersarnermi sulisut ikiunnerisigut ulloq aallartinneqarpoq, Mælkebøttenimi kaffillertoqarnissaanut sulisut piareersaaqataallutik, minnerunngitsumillu unnukkut apersortortippu ilaqutai ilagalugit unnessioqatigiinnissamut sulisut piareersaaqataasarput.

Ilasiami sulisut meeqqalu ullorsiornissamut periareersaaqatigiippu pilersaarusoqatigiillutillu, kaffillertoqarluni unnukkullu nereqatigiittoqarluni. Ulloq apersortittunut taakkununga marlunnu nuannersuuvuq puigunaatsuul-lunilu, pulaartorpassuit ilaqtallu ilagalugit. Pulaartut apersortittunut kusanartunik tunissuteqarput, ileqqut ta-marmik malinneqarput, tamakkulu apersortittortavut nuannersumik ulloqartippaat.

Mælkebøttenimi ornittagaq

Sannaviit ullut tamaasa nal. 14.00-17.45 ammasarput taavalu nal. 19-21 ammaqittarlutik. Aamma sapaatip akunnerata naanerani nalliuttunilu taamaattarlutik. Neqeroorutinut taakkununga orniguttartut amerlassusii su-li nikerartorujussuupput, ilaatigut apeqqutaasarami illoqarfimmi sammisassanik allanik sunik ingerlatsisoqar-nersoq. Meeqqanut amerlasuunut akulikitsumik uatsinnut orniguttartunut, nalliuttut soorlu poorski, anaaleriffik juullilu malunnartinneqartarput.

2018-imi ulluni ammaffiusuni ornittagaq ullormut meeqqanit agguaqatigiissillugu 11,6-init orninneqarsimavoq.

2019-imi ulluni ammaffiusuni ornittagaq ullormut meeqqanit agguaqatigiissillugu 13,9-init orninneqarsimavoq.

Meeqqat iggaviat

Meeqqat iggaviannut orniguttartut unnukkullu nereqataasartut amerlassusaat nikerartuuvuq. Ilaat aalajangersi-masumik takkuttarput ilaallu pilersaarutaanngitsumik takkutillatsiartarlutik. Qularutiginngilarpulli meeqqanut orniguttartunut taanna pingaaruteqarluinnartuusoq. Meeqqat orniguttarnertik nuannaraat nereqatigiinnermilu ataatsimoorluni nuannisaqatigiinneq nuannarisarlussuk. Aamma inersimasumik oqaloqateqarnissamik meeqqa-nillu ukiumikkut naligisanik peqateqarnissamik periarfissiilluartarpoq. Minnerunngitsumik pitsaasunik peqqin-nartunillu nerisarput, immaqa allani pisinnaanngisaraluaminnik.

Juullimi orpiliarneq

Mælkebøtten

Ukioq manna aammaarluni illoqarfimmi meeqqanut inuusuttunulu Mælkebøtten juullimi orpiliartitsisimavoq, meeqqat 80-init sinnilinnik peqataaffigineqartumik. Atorfissaqartinneqartut tamasa inuusutissarsiortut pisarneq malillugu tunniussimavaat, taamaalilluni juullimi orpiliarneq meeqqanut nuannersumik ingerlaniassammat. Nerereernerup kingorna Juullip inua takkuppoq meeqqallu tupaallatsillugit tamaasa tuniorarlugit.



Nuuk Rotary ukiumoortumik juullimi orpiliartitsinera

Ileqqusoq malilugu Nuuk Rotary Club-ip juullimi orpiliartitsinerani meeqqat sulisullu peqataaput. Meeqqat qilanaaqaat nuannaqalutillu, tassami juullimi aaqqissuussisarnerit qanoq nuannertigisarnerat ilisimagamikku. Ualeq nuannersumik meeqqat atorpaat Katuamullu isiginnaariarnissamut isissutissamik tamarmik tunisillutik kiisalu Restaurant Bones-imut neriartornissamut akiliutissamik tunisillutik, taamaalillutik ataatsimut nuansaqatigiillutik neriniartarfimmut neriartorsinnaarlutik.

Anaalerineq

Sullissivik Mælkebøtten sulisuminik inersimasunut anaalerisitsisarnera ileqquliunneqarsimavoq, anaalerinermi kunningngortoq, drønningngortoq atisalersullaqqinnerpaarlu akissarsisinnerqartarlutik. Ornittagaq meeqqanik avataaniit orniguttartunik anaalerisitsisimavoq, ulloq unnuarlu immikkoortortami meeqqanit peqataaffigineqartumik nuannarineqagisumillu.

Allaffeqarfik

Allattoqarfimmi makku sulisuupput:

Kirsten Ørgaard, pisortaq, Tarnip pissusaanik ilisimasalik

Bolette Maqe Nielsen, Aningaasaqarnermut pisortaq

Maibritt Lybker Jensen, Pisortaqatigiinni ikiorti

Elisabeth Geisler, Allaffeqarfimmi aqutsisoq

Peqatigiillutik suleqatigiit aqutsisuattut, tarnip pissusaanik ilisimasalittut aammalu ilinniagartuutut atorfiit maannakuugallartoq inuttaqanngillat.

Meeqqat Inuusuttullu illuanni Mælkebøttenimi Frederik Funch Jensen ulluinnarni aqutsisuvoq.

Najugaqatigiiffimmi Ilasiami Nuka Fleischer immikkoortortami aqutsisuvoq. Edith Norbeck tullersortaalluni.

Najugaqatigiiffimmi Allumi Pilu Noahsen immikkoortortami aqutsisuvoq. Pitsi Ottosen tullersortaalluni.

Sulisut

Sulisut tamarmik ataatsimoorlutik ataatsimiinneranni, qaammatit pingasukkaarlugit pisartumi, imminortarnermik pitsaaliuineq qulequtaritinnearpoq. Ilasiami sulisorput Lena Hanne Kielsen ilinniartitsissutinik saqqummii-voq sulisunik sungiusaanertalimmik. Ataatsimoorluni ataatsimiittarnerit arlalinnik siunertaqarput. Siunertanut ilaapput ilisimasanik ataatsimoorussatsinnik siammarterinissaq ilinniartitsinnissarluni, qulequttanik aalajangersimasunik eqqartuinissaq immitsinnullu ilisarimanerulernissaq. Suliffeqarfimmi sulisut tamarmik ilaasarput, taamaaliornikkut immikkoortortat allat sunik suliaqarnerannik kikkullu sunik suliaqarnerannik, paasisaqarfiu-sarluni. Immikkoortortamilu sumi sulisuuneq apeqqutaatinnagu ataatsimoorneq nukittorsarneqartarluni.

Mina Møldrup Sakariassen isumannaallisaaanermi sinniisunngorpoq immikkoortortanilu tamani sulisumit ataatsimit ikiorneqarluni sulinermi avatangiisit pitsaasuunissat qulakkeertussaallugu.

Meeqqat pillugit isumaqatigiissut aammalu piujuaannartitsisumik ineriartornissamut Naalagaaffiit Peqatigiit Nunarsuarmut anguniagaat pillugit ukiakkut ataatsimeersuarnermi Sullissivik Mælkebøtten peqataasimavoq.

Sulisunik isumassuineq

Restaurant Charoen Porn ukioq manna aammaarluni juullimut atatillugu ullup qeqqasioqatigiinnitsinnut tunisisuvoq tapiillunilu, unnuq taanna iluatsilluarpoq nuannisarfiullunilu. Unnuq taama ittoq avatangiisini eqqasuuteqarfiunngitsuni sulisunik ataatsimuulersitsivoq, ulluinnarni sulinitsinnit allaanerumik immitsinnut ilisarimanerulernitsinnik kinguneqartumik.



Tunissuteqartunut suleqatinullu qujassut

Ukioq 2019 aammaarluni Sullissivik Mælkebøttenimut soqutiginaruusimavoq. Ukiumi tassani takutinneqaqqip-poq, ataatsimoorutta ikioqatigiillutalu angusaqarnerujussuusinnaasugut.

Tunissutitut kusanartunut qujavugut, ikorfartuineq tamanna Kalaallit Nunaanni meeqqanut inuusuttunullu atu-garliornermit eqqugaariaannarnut iluaqutaasussaavoq.

Allanngueqataavugut!

Sullissivik Mælkebøttenip attaviginissaanut paasissutissat

SULLISSIVIK MÆLKEBØTTEN

Aqqsinersuaq 27

00299 36 21 01

www.mb.gl

info@mb.gl

Mælkebøtten

John Møllersvej 8

00299 36 21 11

jensen@mb.gl

Pisortaq Kirsten Ørgaard

00299 36 21 02

00299 59 74 39

oergaard@mb.gl

Najugaqatigiiffik Allu

Avallia 22-24

00299 36 21 15

noahsen@mb.gl

Aningaasaqarnermut pisortaq, Bolette Maqe Nielsen

00299 36 21 03

00299 58 66 41

nielsen@mb.gl

Najugaqatigiiffik Ilasiaq

Nigerleq 5

00299 36 21 20

flescher@mb.gl

Pisortaqatigiinnut ikiorti, Maibritt L. Jensen

00299 32 21 05

00299 54 01 06

maibritt@mb.gl

Sullissivik Mælkebøttenip imaluunniit Ornittagaq Mælkebøttenip ataani Facebook-imi nassaarisinnaavatsigut

Qarasaasiakkut nittartagaq www.mb.gl

Allaffimmi aqutsisoq, Elisabeth Geisler

00299 32 21 01

00299 55 68 32

geisler@mb.gl



mælkebøttestreet

Børne- og Ungehuset Mælkebøtten • Bo-enheden Ilasiaq • Bo-enheden Allu • Seqineq • Postboks 1335 • 3900 Nuuk • www.mb.gl

